



Ajangizko Udala

AJANGIZKO UDALAK 2010EKO MAIATZAREN 6AN OSPATUTAKO OHIKO BILKURAREN AKTA.-

Batzarreratuak:

Alkatea:

Koldo Carbonell Oihartzabal jauna

Zinegotziak:

*Angel Luis Uribarri Gondra jauna
Maria Angeles Goikolea Uriarte Andrea
Beñat Erezuma Arisketa
Roman Etxeandia Zabala*

Idazkaria:

Saioa Pineda Aranburu andrea

Ajangizko Udaletxean, 2010eko maiatzaren 6an arratsaldeko 20:00etan eta horretarako deialdia egin ondoren, Udal Osoa biltzen da ohiko bilera ospatzeko, goian aipatutako zinegotziekin.

Esandako orduan, Alkate Presidenteak gutxienezko kopurua dagoela ikusita, bilera hasi du.

1.- AZKEN BILERETAKO AKTAK IRAKURRI ETA ONESTEA, BEHAR BADA.-

2010eko martxoaren 18an izandako ohiko bileraren akta hautespenerako jarrita, bertaratutako zinegotzi guztiek onartu dute.

2.- ALKATETZAK EMANDAKO DEKRETUEN BERRI EMATE ETA ONESPENA, BEHAR BADA.-

- **Martxoaren 15eko 2010/32 ZENBAKIDUN ALKATE DEKRETUA.-** Mendietako plaza egokitzeko lanen proiektuaren erredakzioa, segurtasun eta osasun estudioa eta lanen koordinazio eta zuzendaritzaren esleipena.
- **Martxoaren 18ko 2010/33 ZENBAKIDUN ALKATE DEKRETUA.-** Maier Technology Centre S.Coop. enpresari zentro teknologikoa zabaltzeko jarduerarako eta lanetarako lizentzia ematea.
- **Martxoaren 30eko 2010/34 ZENBAKIDUN ALKATE DEKRETUA.-** 2009 urteko aurrekontuaren likidazioaren onarpena.
- **Martxoaren 31ko 2010/35 ZENBAKIDUN ALKATE DEKRETUA.-** Zabor bilketa zerbitzuaren 2010eko 1. Hiruhilabeteko padroiaren onarpena.



Ajangizko Udala

- **Martxoaren 31ko 2010/36 ZENBAKIDUN ALKATE DEKRETUA.-** Polikiroldegirako diru-laguntzak.
- **Martxoaren 31ko 2010/37 ZENBAKIDUN ALKATE DEKRETUA.-** Ibilgailuen baja dela kausa, 2010eko ibilgailuaren gaineko zergaren itzulketa.
- **Apirilaren 16ko 2010/38 ZENBAKIDUN ALKATE DEKRETUA.-** Maier-Mendieta landabidea egokitzeko lanen III. faseko lanetarako asistentzia teknikoa eta lanen zuzendaritzaren esleipena.
- **Apirilaren 16ko 2010/39 ZENBAKIDUN ALKATE DEKRETUA.-** 2009 urteko zordunpenganako kobratze eskubideen bertan beherako zehaztapidetza onartzea.
- **Apirilaren 19ko 2010/40 ZENBAKIDUN ALKATE DEKRETUA.-** Ekainaren 13ko Euskadiko Maratoi Txapelketa eta IV Atxarre Xtreme-Zabalia Memoriala, mendiko txirrindularitza ibilaldia ospatzeko, Ajangizko udal jabegopeko herri bideak erabiltzeko baimena.
- **Apirilaren 23ko 2010/41 ZENBAKIDUN ALKATE DEKRETUA.-** Polikiroldegirako diru-laguntzak.
- **Apirilaren 23ko 2010/42 ZENBAKIDUN ALKATE DEKRETUA.-** Ibilgailuen baja dela kausa, 2010eko ibilgailuaren gaineko zergaren itzulketa.

3.- MOTORDUN IBILGAILUEN GAINEKO ZERGAREN 2010EKO UDAL PADROIAREN ONARPENA, BEHAR BADA.-

2010 urteari dagokion trakzio mekanikozko ibilgailuen errolda aurkeztuta, batzartutako zinegotzien aho batez ebazten dute:

Lehenengo.- 2010 urteko Trakzio menakizko ibilgailuei dagokion Zerga Errolda onartzea.

Bigarren.- Tributuei buruko Abenduaren 28ko 230/63 Lege Orokorreko 124. Atalak eta martxoaren 26ko 3/86 Tributuen Foru Arau Orokorreko 125.2 artikuluan araututakoarekin bat, irgarki honek Trakzio Mekanizko Ibilgailuen gaineko zergari dagokionez zergapekoei zuzendutako jakinerazpen kolektiboaren ondorioak izango ditu.

Iragarkia Bizkaiko Aldizkari Ofizialean argitaratzen den egunaren hurrengotik aurrera hamabost (15) eguneko epean, errolda jendaurrean arkezten da, interesdunek errolda aztertu eta bidezko deritzaten alegazio edo erreklamazioak aurkezterik izan dezaten.

Epe hori igarota erreklamaziorik aurkeztu ezean, errolda behin betiko onartutzat joko da.

Non. Noiz eta nola ordaindu

.- Borondatezko ordainketa, gaoinordainik gabekoa.



Ajangizko Udala

a) **Epea:** 2010eko ekainaren 1etik 30era (bi egun horiek barne)

b) **Non eta nola ordaindu:** Domiziliatu gabe dituzten zordunek, Banketxetan edo udaletxean jendaurreko ordutegian ordaindu dezakete, dagozkien inprimakia aurkeztuz. Zergadunek ordainagiriak banketxetan helbideratu dezakete.

Inprimakiak jaso ez izana edota ordainagiritan akatsen bat egoteak ez du ordaindu beharra salbuesten

Borondatezko epea igarota ordainketa burutuko ez balitz, premiabidez kobratzeari ekingo zaio, Bilketarako Erreglemendu orokorreko 95 eta 96 artikulua aplikatuz, %20ko gainordainaz, berandutze interesak, gastuak eta kostua gehituz.

Indarreango xedapenen arabera, zerga honen ordainketa gauzatu ezean, ezin izango da ibilgailuaren alta, baja zein eskualdaketarik egin.

4.- MAIER-MENDIETA LANDABIDEA EGOKITZEKO II. FASEKO LANEN AZKEN LIKIDAZIO ZIURTAGIRIA ONARTZEA, BEHAR BADA.-

Ajangizko Udalak 2009ko irailaren 3an ospatutako batzarrean, besteak beste, Maier-Mendieta landabidea egokitzeko lanak (II. Fasea) CONSTRUCCIONES INTXAUSTI S.A., enpresari esleitzea onartu zuen, guztira 248.894,20 euroko kostuarekin.

2009ko azaroaren 5ean ospatutako bilkuran, lanen zuzendaria den Carlos Ortiz de Zarate ingeniariak, aurkeztutako 16.944,94 euroko lanen 1. Ziurtagiria eta Construcciones Intxausti S.A. enpresak aurkeztutako A09-176 faktura onartu ziren.

2009ko abenduaren 14an ospatutako bilkuran, Ortiz de Zarate jaunak aurkeztutako 45.018,52 euroko lanen 2. Ziurtagiria eta Construcciones Intxausti S.A. enpresak aurkeztutako A09-188 faktura onartu ziren.

2010eko urtarrilaren 21ean ospatutako bilkuran, Ortiz de Zarate jaunak aurkeztutako 138.450,44 euroko lanen 3. Ziurtagiria eta Construcciones Intxausti S.A. enpresak aurkeztutako A09-209 faktura onartu ziren.

Lanen zuzendaria den Carlos Ortiz de Zarate jaunak, lanen azken likidazioa ziurtagiria aurkeztu du 23.285,11 euroko kostuarekin.

Ziurtagiriari, Construcciones Intxausti S.A. enpresak 23.285,11 euroko kostu orokorrarekin aurkeztutako A10-019 faktura eransten zaio.

Aurkeztutako dokumentazioa kontutan hartuta, Udal Osoko Bilkurak aho batez ebazten du:

1.- Maier-Mendieta landabidea egokitzeko lanen II. faseko azken ziurtagiri-likidazioa onartzea, 23.285,11 euroko kostu orokorrarekin.



Ajangizko Udala

2.- Construcciones Intxausti S.A. enpresak aurkeztutako 23.285,11 euroko kopuru orokorra duen A10-019 faktura onartzea.

3.- Ebazpen honen berri interesdunei ematea jakitun izan daitezen eta dagozkien ondorioak sortu ditzan.

5.- MENDIETA AUZOKO HERRIKO PLAZA EGOKITZEKO LANEN ESLEIPENA, BEHAR BADA.-

Udal Osoko Bilkurak 2010eko martxoaren 18an onartu zituen Mendeita auzoko Herriko Plaza egokitzeko administrazio baldintza agiria, preskripzio teknikoen orria eta esleipena egiteko jardunbidearen hasiera. Lanak argitalpenik gabeko prozedura negoziatu bidez esleitzeko oinarriak onartuta, hiru enpresari bidali zitzaizen parte hartzeko proposamena:

- Suña Eraiketak
- Construcciones Intxausti S.A.
- Construcciones Zabalandi S.L.

Hiru enpresa horietatik Construcciones Intxausti S.A. eta Construcciones Zabalandi S.L. enpresek aurkeztu dituzte proposamenak.

Suña Eraiketak, telefonoz adierazitakoaren arabera ez beraien lan egoera kontutan hartuta ez dauka parte hartzeko interesik.

Aurkeztutako proposamenak kontutan hartuta eta udal teknikariek egindako balorazioa aintzat jota, enprekin izandako negoziazio prozeduraren ondoren Construcciones Zabalandi S.L. enpresa da Udalaren ikuspuntutik proposamenik hobereena aurkeztu duena, honako baldintza hauetan:

Proposamen ekonomikoa Propuesta económica		Hobekuntzak Mejoras	Exekuzio Epea / Plazo de ejecución	
Lizitazioa: Precio licitación:	Eskainitakoa: Oferta:	7.338,30 €	Lizitazioa: Plazo licitación:	Eskainitakoa: Oferta:
48.108,00 €	40.769,70 €		2 hilabete	1 hilabete

Lan sorrerari dagokionez, lan hauek burutzeko honako langilegoa erabiliko dute:

KATEGORIA / CATEGORIA	PERTSONA KOPURUA / Nº PERSONAS	LANDALDIA / JORNADA	EPEA (Hilabete) / PERIODO (MESES)
Titulados medios	1	50%	0,50
Encargados	1	100%	1
Oficiales	1	75%	1,75
	2	50%	
Peones	1	75%	1,75
	2	50%	
Personal Administrativo	1	25%	0,25

Adierazitakoa kontutan hartuta, Udal Osoko Bilkurak, batzartutako zinegotzien aho batez ebazten du:

Lehenengo.- Construcciones Zabalandi S.L. enpresari Mendietako plaza egokitzeko lanak behin behinez esleitzea, Udal Osoko Bilkurak onartutako proiektua eta baldintza pleguen eta esleituak



Ajangizko Udala

aurkeztutako proposamenaren arabera, guztira 48.108,00 euroko kostuarekin, BEZ, Industria onura eta bestelakoak barne.

Bigarren.- Behin behineko esleipena behin betiko bilakatzeko, interesdunak honako dokumentazio hau aurkeztu beharko du bost lanegunetako epean:

- Kontratatzeko debekurik ez duela adierazten duen erantzunkizunezko aitortpena.
- Zerga betebeharrak eta Gizarte Asegurantzarekin bete beharreko beharrak beteak dituela justifikatzen duen dokumentazioa
- Esleipen prezioaren %5eko bermea jarri izanaren ziurtagiria (2.073,62 €).

Epe hau igarota aipatutako dokumentazioa Udaletxean balego, behin behineko esleipena behin betiko bilakatuko da, jakinerazpena jaso eta bost lanegunetako epean beste akordiorik hartu beharrik gabe.

Hirugarren.- Ebazpen honen berri interesdunari ematea, jakitun izan dadin eta dagozkion ondorioak sortu ditzan.

6.- EUSKAL AUTONOMIA ERKIDEGOKO TOKIKO IRAUNKORTASUNERAKO KONPROMISOARI ADIEZITAKO ATXIKIMENDUA; UDALSAREA 21 IRAUNKORTASUNERAKO EUSKAL UDALERRIEN SAREA FINKATZEA ONARTZEA, BEHAR BADA.-

2002ko abenduaren 20an sinatu zen UDALSAREA 21, Iraunkortasunerako Euskal Udalerrien Sarea sortzeko hitzarmena. Sarearen helburua Tokiko Agenda 21 ezartzearen aldeko Euskal Autonomia Erkidegoko udalerrri guztiak batzea da.

Jarduerak burutzen jarraitu arren, hitzarmenaren indarraldia amaituta dago. Hori konpontzeko UDALSAREA 21, Iraunkortasunerako Euskal Udalerrien Sarea arautzeko marko berria aurkeztu da, erakunden arteko lankidetzaz espirituari eutsiz, oraingoan ur, energia eta garraio eskumenak dituzten administrazioak ere batuz.

Euskal Autonomia Erkidegoko Tokiko Iraunkortasunaren aldeko konpromisoa; UDALSAREA 21 (Iraunkortasunerako euskal udalerrien sarea) sendotzea dokumentua aurkeztuta, batzartutako zinegotziek aho batez onartzen dute:

Lehenengo.- Euskal Autonomia Erkidegoko Tokiko Iraunkortasunaren aldeko konpromisoa; UDALSAREA 21 Iraunkortasunerako euskal udalerrien sarea finkatzea dokumentuari atxikimendua agertzea eta bere gain hartzea konpromiso horretatik eratorritako erantzunkizunak.

Bigarren.- Erabaki honen berri Ingurumen Jarduketarako Sozietate Publikoa IHOBE S.A.ri ematea jakitun izan daitezen eta dagozkion ondorioak sortu ditzan.

7.- ESTATUKO MaB BATZORDEAK EZARRI DUEN MARKOAREN HITZARMENAK BURUTU ETA MARKOAN DIREN FINANTZIAZIO BALDINTZEKIN MENDIETAN



Ajangizko Udala

FRONTOIA ERAIKITZEKO EKINZA AURKEZTU DEN AURREKONTUAREKIN AURRERA ERAMATEKO AKORDIOA ONARTZEA, BEHAR BADA.-

Estatuko MaB Batzordeak Markoa ezarri du *Ingurumen, Nekazal eta Itsas ingurune Ministraritzaren* eta *Biosfera Erreserben kudeatzaileen* arteko hitzarmenak sinatzeko, guzti hau koordinazioa eta garapen iraunkorra bermatuz sustapen-ekintzak burutzeko.

Horretarako ekintzak diruz laguntzen dira, hitzarmen bitartez. Markuak, Tokiko administrazioak bultzaturiko ekintzen kasuan, gehienez ekintzaren 2/3ren finantziazioa aurreikusten du, udalak beste 1/3 ekintza burutzeko izan behar duelarik.

Hitzarmenak Urdaibai Biosfera Erreserbaren eremu barruko udalerriekin izan daitezke, Urdaibai Biosfera Erreserbak aurkeztuko dituen ekintza-egitamueta jarduketak egiten baldin badituzte.

Hitzarmenak burutzeko betebeharreko agirien artean, udalek hitzarmena sinatzeko eta dagozkien ekintzak. Aurrekontua daukatela, Markoan diren finantziazio baldintzekin burutzeko prest direla esateko agiria aurkeztu behar da.

MaB batzordeak lankidetzat hitzarmenarako aurkeztutako Markoa aurkeztuta, bertaratutako ziengotziek aho batez onartu dute:

Estatuko MaB Batzordeak ezarri duen Markoaren Hitzarmenak burutzeko prest egotea, eta Markoan diren finantziario baldintzekin Mendietan frontoia eraikitzeke ekintza aurkeztu den aurrekontuarekin aurrera eramateko akordioa onartzea.

8.- ALKATETZAK AURKEZTUTAKO “EGIA NAHI DUGU!” MOZIOAREN ONARPENA, BEHAR BADA.-

Angel Luis Uribarri, udal zinegotziak “EGIA NAHI DUGU!” mozioa aurkeztu eta irakurtzen du:

“Jon Anza Ortuñez euskal herritarra 2009ko apirilaren 18an Baionatik Okzitaniako Tolosara zihoan tren hartu zuen. Hori izan zen bere senideek Jon ikusi zuten azken momentua. Hilabete beranduago, Maitzaren 18an, Baionako fiskaltzak ikerketa zabaldu zuen senideen desagertzearen salaketaren ostean.

Ia urte bete beranduago, 2010eko Martxoaren 11an, Jonen gorpua izan zitekeena Okzitaniako Tolosako hil-etxean aurkitua izan zela zabaldu zuten zenbait hedabide frantses eta espainiarren aldetik. Hedabidetan zehar gertatutakoaren inguruko informazio bat zabaltzen zen bitartean, Jonen sendiari aipatu hirira hurbitzeko deia helarazi zioten gorpua Jonena zen egiazta zezan. Hara iristerakoan baina, oztopo eta debekuak bata bestearen atzetik iristen hasi zitzaizkion, gorpua ikusteko debekua ezartzeraino. Azkenean konfidantzazko sendagile batek egiaztatu ahal izan zuen gorpua Jonena zela.

Urte honetan guztian Jonen inguruko berririk izan ez arren, jaso ditugu bere desagertzearen loturiko albiste eta informazio ezberdinak. Informazio hauek guztiek desagertzearen honen gaineko susmorik ilunenak indartzea ekarri dute:

- *ETA erakundeak Jonen militantziaren berri eman zuen. Gaineratu zuen Jonen erabiltzen zuten zulo bat polizia aurkitu zutela eta beraz polizia jakitun zirela Jonen militantziaz,*



Ajangizko Udala

Jonen hatz markak bertan aurkitzearen ondorioz.

- Frantziar poliziak Jonen senideei jakinerazi zien beraien hipotesien artean zegoela Jonen desagerpenean espainiar poliziek esku haru izana.
- Gara egunkariak publiko egindako informazio batek Jonen desagertzea Espainiako polizien bahiketaren ondorioz etorri zela argitu zuen.
- Joseba Egibarrek zuzenean galdetu zion Rubalcabari ea Jon Anzaren desagerpenean polizia espainiarrek parte hartu ote zuten, herri honetan aurrez izandako antzeko kasuak gogora ekarri.
- Jacques Massey frantziar kasetari eta irakasle ezagunak buruturiko hainbat ikerketa eta elkarrizketen ondoren Jon Anza Espainiako poliziek baitu eta hil zutela ondorioztatzera iritsi zen.
- Pariseko Liberation egunkariak buruturiko erreportaiak norabide berean landa zuen gaia, Espainiako Polizien inplikazioaren susmoa indarra hartzen ari dela azpimarratuz.

Honetaz gain gogora ekarri behar dugu bai Espainiako Entzutegi Nazionalak, bai Baionako auzitegiak Jon Anzaren desagertzea argitzeko ikerketak abian dituztela.

Okzitaniako Tolosako hil-etxean Jonen gorpua agertu ondoren, Baionako prokuradoreak honako a azaldu zuen bertsio ofizial moduan:

- Apirilaren 29an Jon Okzitaniako Tolosako parke batean aurkitua izan zela burua jardinerara batean zuela.
- Pertsona particular batek emergentzi zerbitzuak deitu eta hauek bihotz masaje bat eman ostean Jonen pulstua berreskuratu zuela.
- Tolosako Purpan ospitalera garraiatua izan zela.
- Hortik eta ondorengo egunetan konorterik gabe egon zela eta ez zuela konortea berreskuratzea lortu.
- 11 egunetara, Maiatzaren 11n, ospitale horretan zendu zela.
- Orduz geroztik gorpua Tolosako hil etxean gordeta egon dela, identifikatu gabeko pertsona moduan.
- 2010eko Martxoaren 11 baino egun batzuk lehenago Medikuntza Legaleko Institutuko funtzionario batek ere lagun polizia bati gorpu ez identifikatu baten izana azaldu ziola.
- Polizia honek Jonen arropan Baionatik Tolosarako 2009ko Apirilaren 18rako eta itzulerarako Apirilaren 20rako bi tren txartel aurkitu zituela, eta Jonen gorpua izan zitekeela ondorioztatu zuela.

Ez dugu sinisten Frantziar Poliziak zabaldu duen bertsioa, eta hainbat galdera mahai gainean jarri nahi ditugu:

- Non egon zen Jon desagertua apirilaren 18tik 29ra bitartean?
- Nork deitu zuen Jon banku batean aurkitu zuela esanez?
- Nork jaso zuen Jon eta ospitalera eraman?
- Non dago Jonen zeraman dirua?
- Zein mediku arduratu zen Jonen egoeraz bera ospitalean egon zen bitartean?
- Non daude Jonen inguan egindako mediku-parteak?
- Non dago Jonen hiltze agiria?
- Ospitaleak Jonen heriotzaren berri epaile eta poliziei eman zien. Zer egin zuten poliziek edo epaileek informazio honekin?
- Ikertu al zuten hilda agertu zen gorpua norena izan zitekeen?
- Poliziak bazuen aurrez Jonen ADN-a, baita senideena ere. Gorpuari egin ahal zizkioten ADN frogak? Zeintzuk izan ziren emaitzak?
- Baionatik Tolosara zihoan pertsona baten desagertzea lau haizetara zabaldu da azken



Ajangizko Udala

hilabeteetan. Data antzekotan bidai horretako tren txartela zeraman pertsona ezezagun bat agertu da eta ospitalean hil. Nola da posible orain arte loturarik egin ez izana?

- *- Jonen desagerpenaren inguruko ikerketan zehar ez zen bere berri galdetu hiriburu honetako ospitale nagusian? Galdetu bazen, zein izan zen jasotako erantzuna?*
- *Zergatik familiari konfirmatu aurretik barria komunikabideetan filtratu du poliziak?*
- *Zergatik ez zaio utzi familiaren konfidantzazko medikuari autopsian bertan egoten?*
- *Zergatik guardia zibil batzuk Tolosako hotel batetik presaka eta korrika atera ziren, desagerpenaren berri eman zen egun berean?*

Jonen heriotza ulertzeko argigarriak izan daitezke azken bi urteotan euskal herrian eman diren bahiketa salaketak ere. Juan Mari Mujika, Lander Fernandez, Alain Berastegi eta Dani Saralegi euskal herritarrek salaketajuridikoa burutu zuten epaitegietan eta salaketa publikoa egin zuten komunikabideen aurrean, gertatu zitzaiena azalduz eta salatuz. Lauek polizia indarrek bahitu eta beraiekin kolaboratzeko mehatxu egin zieten azaldu zuten, horretarako presioak eginez, eta Berastegiren kasuan torturak erabiliz.

Aurrez aipatu ditugun gertaera nahiz informazioek, eta Euskal Herrian bizi dugun errepresio egoerak Jon Anza Espainiako polizia indarrek atxilotua izan zitekeela pentsatzera garamatza.

Jonen desagerpenaren aurrean udal honek honako adierazpenarekin bat egiten du:

1.- Jon Anza euskal herritarrekin gertatutakoaz benetako kezka adierazi nahi dugu. Jonen senide eta hurbilekoei babesa eta elkartasuna helarazten die udal honek.

2.- Anne Kayanakis Baionako prokuradoreari zuzentzea ondorengoa eskatuz; Jonen desagerpenaren inguruko ikerketa sakona egin dezala eta ez dezala inongo aukerarik baztertu, bereziki estatuen gerra zikinarena, horretarako beharrezko tresna eta galdeketa guztiak eginez.

3.- Jonen heriotzean Espainiako Poliziak nahastuak egon daitezkeenaren susmoak gure egiten ditugu. Jonen desagerpena ikertzeko irekiak daude prozedura judicial guztiak bururaino eramateko deia egiten dugu.

4.- Euskal Herrian ematen ari diren gerra zikinaren adierazpenarekin amaitzeko deia egiten dugu. Euskal Herrian ezarri den errepresio egoerarekin amaitzeko deia egiten dugu, Euskal Herriak bizi duen gatazka politikoa elkarrizketaren konpontzeko nahia agertzen dugularik.

5.- Adierazpena honen berri herritarrei, Jon Anzaren familiari, hedabideei eta Baionako prokuradoreari zein Frantziako gobernuko presidenteari ematea.

Mozioa botaziora eramanda, Udalbatza osatzen duten bertaratutako zinegotziek aho batez onartzen dute.

9.- ERREGU ETA GALDERAK.-

- Roman Etxeandia zinegotzi jaunak, Alkateak joandako batzarrean Patxi Sierra Diputatu jaunarekin batzarra izan behar zuela aipatu zuela esaten du. Zein da batzar haren emaitza?

Alkate jaunak, Sierra jaunarekin izandako batzarrean argi utzi omen zuen aurtongo aurrekonturako diru-laguntzarik jasotzea zail izango zela. Datorren urtean azpiegiturarako diru-laguntza dekretuan sartu ahal izango litzateke agian. Horrez gain, Kirol arloko zuzendariarekin, Iñaki Mujika, ere batzarra izan zuela aipatzen du Alkateak. Aurton ez dituzte kirol ekipamentuak sortzeko laguntzak atera, daudenak konpontzeko laguntzak baizik. Batzartutakoan, laguntza hauetara aurkezten ziren udal kopurua kontutan hartuta, dirurik sobratuko balitz zerbait egiterik egongo zela aipatu zuen, eta hilabete barru deitzekotan geratu ziren. Hilabete hori pasata berrogei bat eskaera aurkeztu direla eta aurton diru-laguntzarik ezin egongo dela aipatu zuen, baina halere ahaleginak



Ajangizko Udala

egingo zituela eta beste hilabete barru hiztegitokotan geratu ziren.

Alkateak azaltzen duenez, frontoirako BBK, Ipar Kutxa, Iberdrola... eta Eusko Jaurlaritzak aurkeztu duen diru-laguntza deialdirako ere aurkeztu da proiektua (EREIN eta MaBerako). Oraindik ahoz Iberdrolak bakarrik erantzun du, frontoirako argindarra jartzeko engantxeak bere kontu egingo zituela esanez. Halere oraindik zehaztu gabe dago.

Lanen exkuzioari dagokionez, zimentazioa egiten dabilta. Orain kontentzio hormaren zati bat egingo dute egindako zimentazioa finkatu eta aurrera jarraitzeko. Bariku guztietan etortzen dira lanen zuzendaritza teknikoak, eta segurtasun eta osasun arlokoak ere pasatu dira. Enpresak bestalde hartu du lanetarako Udaletxetik eman zitzaion zerrendatik pertsona bat.

- Maier-Mendieta landabidea egokitzeko II. Faseko lanen exekuzioa dela eta, Alkateak 25.195,19 euroko Udalaren aldeko diferentzia egon dela aipatzen du. Diferentzia hau exekuzioan azkenik eskoilera lana gutxitu izanaren ondorio izan da. Kopuru hori 2009ko aurrekontuko ahorro modura geratzen da.

Alkateak azaltzen duenez, Maier- Mendieta landabidea egokitzeko lanen III. faserako, Bizkaiko Foru Aldundiak 86.338,92 euroko diru-laguntza onartu du. Obra honetan bi tubo sartuko dira aurreko fasetako lanarekin jarraituz, gerora etorri daitezkeen zerbitzuetarako. Bieskotik Gorganara doa azken fase hau, eta afekatutako jabe guztiek eman dute beraien oneritzia. Horrez gain, bide ondotik doan telefonikako línea bat lurperatzea ere onartu da horretarako Telefonicarekin hitzeginda. Horrek gaur egun bide onadoan dauden zenbait poste kentzea ekarriko du. Gaur egun dauden faroletako batzuk ere kendu egingo dira kopurua gutxituz eta horrekin gaur egun argirik ez duten beste gunek batzuei argia jartzeko aukera zabalduz. Obrak hastekotan daude, jaiak eta gerorarte itxarotea eskatu zaie; maiatza bukaerarako.

- Ospitaleko obrak direla eta, argia Ajangizko bidean zehar eramatea onartu da, horren truke Osakidetza Ormetxe eta Kasamene inguruan farolak jarriko dituztelarik. Gainera konduzioa bide publikotik egiterakoan, bide horrek jasotzen dituen urak batzeko kuneta egitea eskatu zaie, horrekin besteak beste Kasamene urarekin dituen arazoak konpontzeko.

- Alkateak, Itxaro Intxausti arkitekto berria lanean hasi dela aipatzen du. Astero barikuetan etortzen da bederatzietatik aurrera. 1.484 euro ordaintzen zaizkio zerbitzuagatik, Humbertori baino 352 euro gehiago, baina ordu gehiago ere sartzen ditu.

- Pertzamendi Txokoko arduradunekin egon dela aipatzen du Alkateak. Udaletik, berogailua eta argindar gastua beraiek ordaindu behar dutela azaldu zaie, eta konforme agertu dira.

- Maiatzak 23an Ajangizko Mugetatik ibilaldia ospatuko da. Ibilbidea antolatzeko lanetan herriko jendeak osatutako talde bat ari da, Gernikako mendi taldearekin batera. Ekintza honetarako Maierrek 600 euro eman ditu, Lurraskak 200 euro emango dituela esan du, 100 euro Zurichek, 100 € Garatxenak... Inskripzioa egiteko kontu zenbaki bat zabaldu dute, eta inskripzio eta diru-laguntzekin Udalak ez du ezer jarri behar. Inskripzioaren truke riñonera bat eta hamaiketako eskainiko zaie parte hartzaileei.



Ajangizko Udala

Eta beste aztergairik ez dagoenez, batzarra bukatutzat ematen da gaueko bederatziak direnean, eta horren sendespena egiten dut Udaleko bitarteko Idazkari naizen honek, Alkate Lehendakariaren oniritziarekin.

ALKATEA

BITARTEKO IDAZKARIA